

ԱՐՄԱՎԻՐԻ ՍԱՐՁԻ ՀԱՅԿԱՇԵՆ ՀԱՄԱՅՆՔԻ ՂԵԿԱՎԱՐԻ 2012թ.
ԵՐԿՐՈՐԴ ԿԻՍԱՄՅԱԿԻ
ՀԱՇՎԵՏՎՈՒԹՅՈՒՆ

Հարգելի Հայկաշեն համայնքի բնակիչներ, ավագանու անդամներ և հյուրեր: Գործող կարգի և Տեղական ինքնակառավարման մասին Հայաստանի Հանրապետության օրենքի համաձայն Ձեր քննարկմանն են ներկայացնում ըստ բնագավառների գյուղապետարանի, համայնքի ղեկավարի և ավագանու երկրորդ կիսամյակի գործունեությունը:

2012թ-ի երկրորդ կիսամյակում համայնքի ղեկավարը հրավիրել և վարել է ավագանու 4 նիստ: Նիստերի ընթացքում լսվել են տարբեր հարցեր և ընդունվել է ավագանու համապատասխան որոշումներ: Հաստատվել է նորընտիր ավագանու կանոնակարգը, համայնքի 2013-2016թթ զարգացման քառամյա ծրագիրը, հաստատվել է համայնքի 2013թ բյուջեն: Ավագանու որոշումները յուր օրյա ժամկետում ուղարկվել է մարզպետարան:

Հաստատվել է համայնքի ղեկավարի աշխատակազմի կանոնադրությունը, աշխատակիցների թվաքանակը, հաստիքացուցակը և պաշտոնային դրույքաչափերը : Ընդունվել են համայնքի ղեկավարի 9 որոշումներ և արձակվել են 11 կարգադրություններ:

Այժմ մեր գործունեությունը ներկայացնեն ըստ բնագավառների`

1. Քաղաքացիների և տնտեսվարող սուբյեկտների պաշտպանության բնագավառում`

Համայնքի ղեկավարը իր իրավասությունների շրջանակներում պաշտպանել է համայնքի բնակիչների շահերը, կազմակերպել է համայնքի բնակչության հաշվառում, այն է՝ Մշտական բնակչություն 1504 մարդ, որից՝

1. Թոշակառու – 147
2. Նպաստառու ընտանիքներ – 16
3. Ձուկած ազատամարտիկ – 1 ընտանիք
4. Հաշմանդամ – 15
5. Միակողմանի ծնողազուրկ – 6 ընտանիք
6. Երկողմանի ծնողազուրկ – 1 ընտանիք
7. Բազմազավակ – 12 ընտանիք
8. Փախստական - 1 ընտանիք

Կատարվել են 130 քաղաքացիների ընդունելություններ, քննության է առնվել նրանց առաջարկությունները, քննարկվել են քաղաքացիների կողմից ներկայացրած 2 դիմում - բողոքները և ձեռնարկվել համապատասխան միջոցներ : Բնակչությանը տրամադրվել է բոլոր անհրաժեշտ փաստաթղթերը և 110 տեղեկանք:

2. Ֆինանսների բնագավառում իրականացվել է՝

Կազմվել և ավագանու հաստատման է ներկայացվել 2013թ. համայնքի բյուջեի նախագիծը, բյուջեում առաջարկվող փոփոխությունները :

Սահմանվել են տեղեկան տուրքերի և վճարների դրույքաչափերը և ներկայացվել ավագանու հաստատմանը : Կազմակերպվել է հողի հարկի, գույքահարկի և տեղական

տուրքերի գանձման աշխատանքները : Հարկերը չվճարող անձանց նկատմամբ կիրառվել են համապատասխան միջոցներ :

2012թ-ի բյուջեն երկրորդ կիսամյակում կատարվել է 100 % - ով:

3. Հասարակական կարգի պահպանության բնագավառում`

Համագործակցել ենք Ոստիկանության թաղային լիազորի հետ , նրան տրամադրել անհրաժեշտ նյութեր : Բնակչության կողմից հասարակական կարգի խախտման դեպքեր չեն արձանագրվել :

Ոստիկանության կողմից համայնքում և համայնքի բնակիչների կողմից իրականացված իրավախախտումների վերաբերյալ տվյալներ համայնքի ղեկավարին չի տրամադրվել :

4. Պաշտպանության բնագավառում`

Կազմակերպվել է աշնանային գորակոչի ընթացքը : Երիտասարդների հետ տեղի են ունեցել հանդիպումներ , որոնց ընթացքում նրանց հետ տարվել է ռազմա-հայրենասիրական դաստիարակչական աշխատանքներ : Զորակոչային տարիքի երիտասարդները ժամանակին են ներկայացել տարածքային զինկոմիսարիատ : Նրանց անձնական գործերը կազմվել և ժամանակին ներկայացվել է զինկոմիսարիատ :

Սոցիալապես անապահով զինծառայողների ընտանիքներին ցույց է տրվել օժանդակություն և աջակցություն : Ոմանց տրամադրվել են փաստաթղթեր ներկայացնելու ՀՀ Պաշտպանության նախարարություն` իրենց բնակարանային խնդիրները լուծելու համար:

5. Քաղաքաշինության բնագավառում`

Որոշ քաղաքացիների տրվել է շինարարական թույլտվություն , արգելվել է ապօրինի շինարարությունը : Կատարվել են փողոցների կառուցապատման և բարեկարգման աշխատանքներ: Կանոնավոր կերպով կատարվում է աղբահանություն` շաբաթը մեկ պարբերականությամբ: Մեծ ուշադրություն է դարձվել համայնքի սանիտարահիգիենիկ պայմանների վրա : Համայնքի կենտրոնական փողոցում տեղատրվել են գիշերային լուսավորության լապտերներ:

6. Հողօգտագործման բնագավառում`

Կատարել ենք համայնքի վարչական տարածքի հողերի հաշվառումը և կազմել հողային հաշվեկշիռը` այն է

Համայնքի վարչական տարածքը - 1036.14 հա

որից`

1. Վարելահողեր – 4977.84 հա

2.Տնամերձ հողեր – 108.23 հա

Պետական սեփականության հողեր 345.98 հա

որից`

1. Աճուրդային կարգով օտարված հողեր – 143.26 հա

2.Համայնքային սեփականության հողեր – 147.51 հա

3. Պետական սեփականության հողեր – 55.21 հա

Համայնքում ապօրինի հողօգտագործողներ չկան : Վարելահողերի փակ դրենաժային համակարգի խցանման պատճառով հողամասերի բարելավման աշխատանքները չեն իրականացվում, տեղի է ունենում հողերի երկրորդային աղակալում , ընկել է հողերի բերրիությունը: Այս առընչությամբ գրություն է ուղարկվել Արմավիրի մարզպետարան, և ակնկալում ենք մարզպետ պ/ն Ա . Ղահրամանյանի

նախնական և միջնակարգ դպրոցների 130 հա 4-րդ կարգի վարելահողերի գնահատման խումբը փոխելու 5-րդ կարգի : Այս առումով Հայկաշենի գյուղապետարանը համագործակցել և աջակցություն է ցուցաբերել Հ.Հ. գյուղնախարարության «Ագրոքիմիական ծառայություն» ՊՈԱԿ-ի հետ՝ համայնքի 232 հա վարելահողերի ագրոքիմիական դաշտային ու լաբորատոր հետազոտություններ կատարելու ուղղությամբ, որի արդյունքում համայնքին կտրամադրվի ագրոքիմիական քարտեզը և մշակաբույսերի ընտրության, մշակման և պարարտացման սխեման :

7. Առևտրի և սպասարկման բնագավառում՝

Առևտրի օբյեկտներին տրվել է ոգելից խմիչքների և ծխախոտի վաճառքի թույլտվություն և սահմանվել է յուրաքանչյուր եռամսյակի համար տասը հազար դրամ տեղական տուրք և հաստատվել է ավագանու կողմից : Երկրորդ կիսամյակում տեղական տուրքը գանձվել է 100%-ով :

8. Տրանսպորտի բնագավառում՝

Հաճախակի կազմակերպվում են համայնքի փողոցների բարեկարգման աշխատանքներ , քանդված հատվածները , փոսերը լցվում են հողով և ավազով , կատարվում է փողոցների հարթեցում : Գյուղի կենտրոնական փողոցը, որն ունի միջհամայնքային նշանակություն՝ ասվայտապատվել է Հազարամյակների մարտահրավեր ծրագրի միջոցներով: 2011 թ-ի ապրիլի 15-ի համայնքի ավագանու N 08 որոշմամբ համայնքի բյուջեից 850.0 հազար դրամ գումար է հատկացվել հարավ-կովկասյան երկաթուղու 1250 կմ-ի 8 ՊԿ հատվածում երկաթգծանցի կառուցման համար և այդ աշխատանքները սյժմ ընթացքի մեջ են :

9. Կրթության և մշակույթի բնագավառում`

Աջակցում ենք հանրակրթական դպրոցի գործունեությանը :
Դպրոցում սովորում են 145 աշակերտներ , ապահովված է բարձրակարգ մասնագետներով: Այժմ դպրոցը մասնակի վերանորոգման ընթացքում է և այնտեղ ընթացող աշխատանքները համայնքի ղեկավարի ամենօրյա ուշադրության և հսկողության տակ են :

Դպրոցում գործում են գեղարվեստական ինքնագործ խմբակներ, որոնց գործունեությանը աջակցում է համայնքի ղեկավարը և այլ բարերարներ : Գործում է գրադարանը , որտեղ կա շուրջ 7000 կտոր բազմաբովանդակ գրականություն և որը պարբերաբար համալրվում է:

Մեծ աշխատանքներ են տարվում երիտասարդների դերի բարձրացման ուղղությամբ :

10. Առողջապահության և սպորտի բնագավառում`

Աջակցում ենք համայնքի բուժկետին , սանիտարահիգիենիկ , հակահամաճարակային միջոցառումների կատարման գործընթացին , որոնք ընթանում են պլանավորված ժամանակահատվածում և անթերի կերպով :

Համայնքի հանրակրթական դպրոցում կա անհրաժեշտ պարագաներով հագեցած սպորտդահլիճ , որտեղ ցանկացողները զբաղվում են սպորտով :

11. Աշխատանքի և սոցիալական ծառայության բնագավառում
իրականացվել են`

- Շուրջ 16 ընտանիքներ ներգրավվել են « Ընտանեկան նպաստ » ծրագրում : Աջակցում ենք երիտասարդ մասնագետների աշխատանքի ընդունմանը: Սոցիալապես անապահով ընտանիքներին տրամադրվել է դրամական օգնություն:

12. Գյուղատնտեսության բնագավառում իրականացվել են հետևյալ աշխատանքները`

Ներհամայնքային ոռոգման ցանցի ջրատարները մաքրվել են բուսական մնացորդներից և տիղմից , կատարվել են վերանորոգման աշխատանքներ : Կազմակերպվել են հանդիպումներ բնակչության հետ , որի ընթացքում արծարծվել են ցանքի հետ կապված հարցեր , մշակաբույսերի տարածված հիվանդությունների և ժամանակակից բուժման մոր մեթոդների լուսաբանման հետ կապված հարցերը : Ուշադրության տակ է եղել աշնանացանի ընթացքը : Շատերին տրվել են խորհուրդներ և ցուցումներ :

Նախապես կազմակերպում ենք 2013թ-ին հողօգտագործողներին պարարտանյութով ապահովելու աշխատանքները:

Կատարվել են գյուղ. կենդանիների հաշվառում. համայնքում առկա են`

խոշոր եղջ. կենդանիներ - 306 գլ.

որից`

կովեր – 155 գլ.

խոզեր – 31 գլ.

ոչխարներ – 190 գլ.

թռչուններ - 682 գլ.

Պարբերաբար հսկվում է համայնքի անասնաբույժի աշխատանքը , որպեսզի գյուղ. կենդանիների բուժ. պրոֆիլատիկ և հակահամաճարակային միջոցառումները կատարվել են ժամանակին և անքերի կերսպով :

• Համայնքում առկա են բազմաթիվ չլուծված խնդիրներ :

Գյուղը գազաֆիկացված չէ : Մշակույթի տունը և մանկապարտեզը վթարային վիճակում են, որոնք ունեն կապիտալ վերանորոգման կարիք : Չկա գյուղապետարանի շենք և փոստատուն : Համայնքի փողոցները ունեն վերականգման և ասփալտապատման կարիք :

Վարելահողերի շուրջ 40%-ը չի մշակվում ոռոգման ջրի սակավ լինելու պատճառով , բնակիչները անընդհատ բողոքում են , որ ջրի պատճառով չեն կարողանում մշակել իրենց հողերը , որն էլ դժվարացնում է նրանց հարկային պարտավորությունների կատարումը :

Սթերքների իրացումը չի կազմակերպվում:

Համայնքի ղեկավար



Վ. Հովհաննիսյան